

29 SEP 2000
Haji-Media/I

PUSAT MEDIA PERSIDANGAN HAJI DIRASMIKAN

KUALA LUMPUR, 29 Sept (Bernama) -- Pusat Media bagi Persidangan Antarabangsa Haji dirasmikan bersama oleh Menteri di Jabatan Perdana Menteri Datuk Paduka Dr Abdul Hamid Othman dan Menteri Haji Arab Saudi, Iyad Ameen Madani.

Bernama diberi tugas menguruskan pusat media itu yang terletak di hotel 'Palace of the Golden Horses', tempat persidangan.

Kedua-dua menteri itu kemudian meluangkan masa meninjau kemudahan yang terdapat di pusat itu.

Ia dilengkapi peralatan sistem teknologi terkini termasuk kemudahan Internet untuk keperluan 150 wartawan tempatan dan asing yang membuat liputan persidangan tiga hari itu yang bermula esok.

Persidangan itu akan dirasmikan oleh Perdana Menteri Datuk Seri Dr Mahathir Mohamad esok.

Ini pertama kali persidangan itu diadakan di luar Asia Barat. Ia dijangka merumuskan resolusi-resolusi untuk dijadikan garis panduan oleh negara-negara Islam dalam menguruskan jemaah haji mereka.

Sebanyak 25 menteri yang bertanggungjawab bagi haji di lebih 50 negara menghadiri persidangan itu.

Ia dianjurkan bersama oleh kerajaan Saudi Arabia dan Tabung Haji di Malaysia.

-- BERNAMA

MAM AHH AU PR MAI